

Johann Quistorp

**Programma Quo Rector Universitatis Rostochiensis Johann Quistorp, Theolog.  
D. Prof. & Past. J. ad eundum ... Tilsae Stoveriae, Exequias Omnes Omnium  
Ordinum Cives Academicos ... invitat : P.P. Sub Sigillo Rectoratus, die XIII.  
Decembr. Anno M. DC. LIX.**


Rostochi[i]: Kilius, 1659

<http://purl.uni-rostock.de/rosdok/ppn774669993>


Druck Freier  Zugang



**Quistorp, J.**  
in Tils. <sup>Wedig</sup> Stöver.  
**Rostock 1659.**







PROGRAMMA  
Quo  
RECTOR UNIVERSITATIS  
ROSTOCHIENSIS  
JOHANNES QUISTORPIUS,  
ΘΕΟΛΟΓ. D. Prof. & Past. J.

ad eundem

PRÆSTANTISSIMÆ ET LAUDATISSIMÆ  
MATRONE

TILSÆSTO-  
VERIÆ,

Exequias,

OMNES OMNIUM ORDINUM CIVES  
ACADEMICOS Studiosè benivo-  
leq; invitat.

P. P. Sub Sigillo Rectoratus,

die XIII. Decembr. ANNO  
M. DC. LIX.



ROSTOCHI,  
Typis Hæredum NICOLAI KILII, Acad. Typ.

RECTOR  
JOANNES QUISTORPIUS, D.

**C**ùm plures reperire alias PHILOSOPHIÆ est definitiones, tùm verò non postrema est ea, quæ ab SOCRA TE apud *Platonem* in *Phadone*, aliisq; passim locis, inculcatur, quòd sit MEAETHOANATOR, Mortis meditatio, seu commentatio; quæ res quantum primâ fronte absurditatis in cætudisputantium habere videtur, tantum veritatis, quam tamen hic non explicamus. & utilitatis pollicetur, ac reapse præstat. Enim verò nihil hominæ quæ ad omnium rerum temperantiam proficit, quam frequentior brevis ævi, incertæq; vitæ hujus consideratio. Qui inter gentiles ac Paganos moderationis sæpientiæq; aliquâ laude florere, hanc sibi & suis Universi legem inculcaverunt probè, quæ NASCI & MORI juberet. Hinc CICERO *Mortem portum Malorum, ærumnosq; vita per fugium nuncupat.* Et apud *Sallustium* C. CÆSAR *Mortem in luctu atq; miseris ærumnarum requiem esse, & eâ cuncta mortalium mala dissolvi* statuit. Quin animo sissimus ille secundæ & vicesimæ legionis in superioe Germanoni exercitu legatus, DILLIUS VOCULA apud *ῥωδινῶν* Tacitum lib. IV. *Hist. exitum sibi parari lubens audit, mortemq; in tot malis hostium, ut finem miseriarum intrepide expectat.* Neq; verò credendum est *Theophrastum* sapientissimum senē, tam vivendi, quàm discendi, atq; artium doctrinarumq; perfectionem adipiscendi cupidine, inculavisse Naturam, quòd Cervis atq; Cornicibus diturnam (quorū id nihil interesset tamen) hominibus verò (quorum interfuisset omninò maxime) exiguam dedisset vitam; uti maximo TULLIO lib. III. *Tusculanarum disputationum* libro, relatum observatumq; est. Sanè enim qui vitam sibi surrogari expetit, is eapte operâ curas, sollicitudines, ærumnas, morbos aliaq; indissolabili consortio illi connexa adversa, produci postulat; ut quùm nulli omninò res secundæ sic

ex vo

ex voto fluant semper, quin meroribus identidem atq;  
calamitatibus interpellentur. Extitit hic virente tæte  
felix; ast inclinantibus annis, fortuna, valetudo, opes,  
quæcunq; in bonis mortales putant, sæpius vacillant,  
& infugam sese vertunt. Hic extra Conjugium beni-  
gnos satis, faventesq; habuit cælos, nihilq; adversi ex-  
pertus est, aut metuit; paullò post tamen tumultuantis  
& ad imperium surrecturæ uxoris nexu irretitus, respi-  
cit ac quærit priorum actionum suarum successum, fa-  
teriq; cogitur, nulli se magis rei, nuptiarum vinculo, in-  
terclusisse aditum, quàm prosperitati. Contrà non-  
nullos à primâ statim in fantiâ ancipites exercuere ca-  
sus (veluti *Cimonem*, Miltiadis filium, duro admodum  
initio usum esse adolescentiæ, testis est latinissimus  
Auctor, *Nepos Cornelius*) cæterum devictis postea, su-  
peratisq; adversitatibus, cum increbescente ætate ad  
lætiora ac magis ac secunda processerunt. Nil OCTA-  
VIANO AUGUSTO CÆS. felicius dici poterat, quî  
discordiis civilibus extinctis, omnibus æmulis subla-  
yis, defatigatum crudelibus bellis terrarum orbem firmâ  
pâce refovit ac stabilivit. Sed tot tamen victorias, tot  
ubiq; erecta trophæa, tot actos triumphos, tot initos  
atq; iteratos consulatus, domestica tandem mala operu-  
erant, & publicæ continuæq; felicitati, privatæ cala-  
mitates, & infamis filiæ Neprisq; vita labem imposue-  
rant. Quosdam fortuna felices extingui non patitur,  
sed ipsâ longævitate ad infestos producit ac servat casu.  
Nihil MARIO mehercule beatius conspexisset populo  
Romanus, si animam exhalavisset statim, ubi acto de  
Teutonibus ac Cimbris triumpho, curru descenderet;  
non in exilium ille pulsus, non in Minturnensis Carceris  
horrorem ac squalorem, injecto in collum loro, compa-  
ctus;



Etus non se circa paludem Maricæ, consecretantibus *Sulhe*  
Equitibus, nudū limo obruere, oculis tantū modò ac nari-  
bus eminentibus; nec deniq; emēdicatis panibus in ruina-  
rum Carthaginensium tugurio inopem sustentare vitā  
coactus esset; neq; eò tandem violentia processisset  
usq; , uti abscissum ei caput ad inimicos Præneste refer-  
retur. De POMPEIO a. quid loquemur? Qui si ante bi-  
ennium, quàm ad arma cum Cæsare iretur, perfectis  
muneribus theatri, *Mithridate* regnò & vitā exuto, *Se-  
torio* debellato, piratis extirpatis, & purgato mari; *Hie-  
rosolymis* captis; gravissimā implicitus febre deceffis-  
set in Campaniā (quo quidem tempore universa Italia  
vota pro eius incolumitate maximo suscipiebat studio)  
defuisset utiq; fortunæ, perdendi destruendiq; eum, lo-  
cus, quamq; apud superos habuerat magnitudinem, illi-  
batam secum ad inferos extulisset. Scilicet

*Provida Pompeio dederat Campaniæ febres*

*Optandas, sed multas Urbes & publica vota*

*Vicerunt; Igitur fortuna ipsius, & Urbis*

*Servatum victo caput abstulit.*

*Juvenalis* hi sunt, quos allegavimus versus. Nulli igitur  
formidanda esse Mors debet, ut quæ tumultibus, miseri-  
asq; sine imponat, faciatq; uti dehinc omninò nobis li-  
ceat esse tranquillis. Id utiq; ipsi Gentiles (quod su-  
pra audiebamus) perviderunt, tantumq; adeò abest, ut  
refugerint mori, uti vel accelerari ultimam horam pete-  
rent, & frequentissimè antè, quam veniret, meditare-  
tur. Nobis, qui Christiani sumus, eò studere magis his  
cogitationibus, hisq; incumbere desideriis competit,  
quæ novimus accuratius, non finitum saltim labores  
post hanc vitam nostros, & quiete mutatum iri, sed pro-  
molestius eam insuper futuram pacem, quam admirabilis  
gloria

gloria ac felicitas consequatur. Hinc cuiusq; salus curæ  
est sua, operam dabit, quantum possit unquam, uti statio-  
nem hanc iusto impensius non amet aut teneat, sed abire  
eâ, etiam cum animi quoddam prolebio, paratus sit; cre-  
berrimamq; (ut id eò fiat optatius) domi suæ ha-  
beat ΜΕΛΕΘΝ ΘΑΝΑΤΟΥ. Quis enim eâ in re vel Ethnicis  
velit esse inferior? NOSTRA sanè, cui hanc hodiè  
scriptionem impendimus, probè, quæ diximus, omnia  
ponderare, præclareq; semper definire Philosophant  
scivit, ut quæ in animo identidem atq; ore haberet ΜΕ-  
ΛΕΘΝ ΘΑΝΑΤΟΥ. Proin PHILOSOPHAM non abs-  
re dixeris; quo nomine non minus, quàm suo ipsius, dig-  
noscatur. Indè factum omninò, ut quæ mortem toties  
versaret, pieq; appeteret, tanquam aditum sibi ad melio-  
rem vitam patefacturam; jam advenientem eo exciperet  
animo, uti nemo mortalium laudatius possit ac glorio-  
sius. Sed ante, quam eò nos dimiserimus usq;, de vita  
STOVERIÆ, quantum pagina patietur, commentabi-  
mur. Nata itaq; est sub ipsum seculi huius initium, i.e.  
Anno 1600. die 27. Febr. quartam intra, quintamq; ma-  
tur, Patre quidem Dn. JOACHIMO Wedige / Reip.  
quondã huius Senatore amplissimo; Matre verò WEN-  
DULA Nettelblades / summarum virtutum Fæminâ. Avô  
paternus fuit JOACHIMUS Wedige / optimus apud  
nos, & honoratissimus Civis; Maternus, Dn. HER-  
MANNUS Nettelbladt / ipse quoq; Vir eximius, & Sena-  
toriâ dignitate præstantissimus. Aviam paternam habu-  
it, ornamentum sexus sui, ELISABETHAM Boltzen;  
Aviam maternam, cognominè sibi TILSAM Wittings/  
laudatissimam mulierem. Ut prodiret primùm *in dias Mi-  
minis aurâs*, insita CONSERVATORI ejusq; Ecclesiæ  
est per id lavacrum, absq; quo nemini, quæcum carne &  
sanguine

sanguine nascatur (nascimur a. ita omnes) ordinaria fieri  
salus queat. Postmodum & suapte indole, quæ ad nihil  
non præclari prona erat, & providâ parentum curâ atq;  
industriâ, iis adolevit virtutibus, & hac morum elegan-  
tia, uti facile quemque in sui amorem pelliceret. Hinc fa-  
ctum etiam est sanè, ut in tantam virginem, ubi jam *ple-  
nis nubilis annis* foret, multorum certatim converteren-  
tur oculi, à neminis a. quam ab JOANNIS STOVERI,  
caperetur, ut qui inter procos omnium videretur di-  
gnissimq; cui nuberet, & adeò quidem castè sanctèq; uti  
non virginitatem tantum illibatam, sed ipsa etiam oscu-  
la sincera eidem consecraret. Neq; profectò falsa  
animi fuit. Novimus enim V I R U M & jurare  
habemus, nemini omninò seu corporis, seu animi  
inuitatas doctes respicias, secundum fuisse. Coiit igitur  
eximiū par, cui ipsi cæli nuptias, sine dubio, destinave-  
rant; nexusq; felicissimus extitit, quacunq; etiam ex par-  
te consideres. Nam & pacatus fuit, ita ut utriq; Conjuges  
nunquam in gratiam redirent, & alter alterum omni of-  
ficio ac benivolentiâ demereretur. Et satis prætereà di-  
turna mansit copula, ut quæ totos triginta annos dura-  
ret, & ante novennium demum solveretur. Neq; sterilis  
verò etiam torus fuit, ut quo bini filii nascerentur, JO-  
ANNES JOACHIMUS, & CHRISTIANUS, quo-  
rum iste satis jam, octennio abhinc, concessit, floren-  
tissimus, & longiori vitâ dignissimus Juvenis; Ille per  
DEI gratiam etiamnum superstes, strenuâ ad honores  
gratia, ut viâ, propèq; adeò vel ab amplissimis abest di-  
gnitatibus, uti (nisi nos omnia fallunt) ipsis eas jam ma-  
nibus tenere videatur. Huic quidem juncta est uxor AN-  
NA Neuhagens/elegantissima Pæmina, ex quâ nati tres  
omninò filii, JOANNES CASPAR, CHRISTIANUS  
MICHAEL, & JOACHIMUS FRIDERICUS, omnes  
Vivi

Vivi valentesq; , & supremo desideratissimam *AVIAM*  
honore, unà cum parentibus, profecturi. Cæterùm cur-  
rante hoc anno , quùm ante eum ipsum de valetudine  
non usq; ad eò conquereretur, variis obnoxia affectib9,  
morbisq; impetitafuit. Hinc divexarunt miseram per-  
tinacissimihypochondriorũ dolores; isthinc calculus;  
mox colicæ passiones;tandem diarrhæa; quiq; plures id  
genus insultus fuerunt, aut exerentia sese alio ex fonte  
incommoda. Admodum profectò validum oporteat es-  
se eum, qui debellaturus tot hostes sit ; quum satis præ-  
clare rem gesseris, si vèl uni sis superandò. *NOSTRA* qui-  
dem profectò minorum longè virium fuit, quàm ut non  
fuecumberet tandem. Sarcinulas igitur septimo hujus  
mensis d, collegit, atq; ita ex hac vitâ, in qua sexaginta jã  
jam annos fuerat, excessit. Incredibile dictu, quantâ con-  
stantiâ, fide ac pietate. Neq; n. malè mori poterat, quæ  
sanctissimè semper vixerat, & nullam rem magis venti-  
lârat unquam, quàm *MEAE THN ΘΑΝΑΤΟΥ*. Nil igitur hîc  
scribemus aliud, quàm sic se in moriendo gessisse *PHILO-  
SOPHAM*, uti satis id scribi aut memorari dignè nequeat.  
Et hoc saltim unum referemus tamen, ex ore Pl. Rever.  
DN. M. SWANTENII, presbyteri & collegæ in  
DN. venerandi, acceptum; sic lubentem decessisse, ut mi-  
raculi res instar habeât, & vix inventura sit fidem. Enim  
vero, quum cæteri subtristes, gemebundi, lacrimabundi  
circumfisterent, ipsa non secus ac in insaniam hominum  
inveçta, clarissimâ voce canere, utramq; circa caput ma-  
ducere , atq; ita media inter jubila triumphosq; exspi-  
rare. Ex captivis *Sogdianorum* ad *ALEXANDRUM* Re-  
gum , triginta nobilissimi, corporum robore eximio,  
perducti erant: Qui ut per interpretem cognoscerent, jus-  
su Regis ad supplicium trahi, carmen lætantium more ca-  
nere,

tere, tripudiisq; & lasciviori corporis motu, gaudium  
quoddam animi ostentare cæperunt. Admiratus Rex,  
tanta animi magnitudine mortem oppetere. revocari eos  
jussit, causam tam effusæ lætitiæ, cum supplicium ante  
oculos haberent, sciscitatus. Illi, si ab alio occiderentur,  
tristes morituros fuisse respondent. Nunc à tanto Rege,  
victore omnium Gentium, majoribus suis redditos, ho-  
nestam mortem, quam fortes Viri voto quoq; expete-  
rent, carminibus sui moris, lætitiâq; celebrare. Quum in  
barbaris tanta animorum imperterrita fuerit præsentia,  
quum is vitæ tñ. terminus nil haberet solatii, nisi quod à  
MAGNO decerneretur; multò animosior jure meritoq;  
STOVERIA fuit, quum mortem immitteret is, qui foret  
MAXIMUS, quiq; ipsâ interveniente, maximâ simul  
*Cælorum gaudia* (quæ in Ecclesiâ propediem exclamabi-  
mus) largiretur. Cæterum hoc ipso die componentur  
Exuvia. Eas ipsas uti in locum deducatis suum, id verò  
vestrarum fore partium, CIVES ACADEMICI, nove-  
ritis. Ad præstandum itaq; officium non tã invitam9 aut  
hortamur, quã confidim9 potiq; quẽ que tantã erga STÖVE-  
RIANAM familiam benivolentiã fore. uti, nobis etiam  
non monentibus. ultimum haud denegaturus honorem  
sit *Ei MATRONÆ*, quæ & vivendo & moriendo su-  
periozem vix habuerit ullam,  
paucos pares.

Convenietur hora I. in  
Æde Jacobæâ.

☞ : ( O ) : ☞



